

Morning Regional Dogri News Bulletin

23 –March – 2026. 09.20 Hrs

Headlines

- प्रधानमंत्री नरेन्द्र मोदी पच्छिम एशिया च जारी संकट दी पछोकड़ै च हालात दी समीक्षा लेई सुरक्षा बारे कैबिनेट कमेटी दी बैठक दी अध्यक्षता कीती ते आखेआ कि अपने नागरिकें दी सुरक्षा लेई सब्बै मुमकिन हीले कीते जाने लोड़चदे।
- जम्मू-कश्मीर लोकभवन आसेआ कल “विहार दिवस” समारोह दी मेजबानी कीती गई- उपराज्यपाल होरें विहार दे महान क्रांतिकारियें गी शरदांजलि भेंट कीती।
- कुल संसारी सतह पर आतंकवाद सूचकांक च पाकिस्तान 2025 च सबनें शा मतियें मौते कन्नै दुनिया च पैहले नम्बरै पर आई गया ऐ।
- सनासर च जम्मू प्रांत दा सबनें शा बड्डा ट्यूलिप गार्डन तौले गै आम लोकें लेई खोल्ली दिता जाहग-त्यारियां जारी।
- ते शरदालुएं दे भारी रश गी दिक्खदे होई वैष्णो देवी यात्रा लेई रोक़ी गेदी पर्ची कटाने दी सेवा परतियै ब्हाल होई गई ऐ।

<><><><><><>

PM -CCS Meeting

प्रधानमंत्री नरेन्द्र मोदी होरें पच्छिम एशिया च जारी संघर्ष दे मद्देनजर बने दे हालात ते प्रस्तावित राहत उपाएं दी समीक्षा लेई मंत्रिमंडल दी सुरक्षा मामलें दी समीति –CCS दी इक बैठक दी प्रधानता कीती। श्री मोदी होरें आखेआ जे एह संघर्ष लगातार बदला करदा ऐ ते इसने पूरी दुनिया गी कुसै नां कुसै चाल्ली प्रभावत कीता ऐ। उ'नें गलाया जे ऐसे हालात च नागरिकें गी इस संघर्ष दे असर थमां बचाने लेई हर संभव जतन कीते जाने लोड़चदे न। प्रधानमंत्री होरें निर्देश दिता जे सरकार दे सब्बै अंग मिलियै कम्म करन तांजे नागरिकें गी घट्ट

कोला घट्ट परेशानी होऐ। उ'नें राज्य सरकारें दे कन्नै उचित तालमेल जकीनी बनाने लेई बी आखेआ तां'जे इस गल्लै गी पक्का कीता जा जे जरूरी चीजें दी कालाबाज़ारी ते जमाखोरी नेंई होऐ। श्री मोदी होरें मंत्रियों ते सचिवें दे इक समूह दे गठन दा निर्देश दिता-जेहड़ा समग्र सरकारी नज़रियें दे कन्नै समर्पित रुप कन्नै कम्म करोग।



LG -Bihar Diwas (Byte)

जम्मू-कश्मीर लोक भवन,जम्मू च इक सांस्कृतिक कार्यक्रम च “विहार दिवस” समारोह दा आयोजन कीता गेआ। उपराज्यपाल मनोज सिन्हा होरें “विहार दिवस” दे मौके पर मुबारकबाद दिती ते बिहार दे महान क्रांतिकारी ते मन्त्री-परमन्त्री दियें हस्तियें गी श्रद्धांजलि भेंट कीती। उ'नें आखेआ जे एह राज्य लम्मे चिरे थमां चन्द्रगुप्त मौर्य ते चाणक्य दे दौर थमां लेइयै आज़ादी दे आंदोलन तगर भारत दी एकता ते बौद्धिक जीवन दा इक थम्म रेआ ऐ। सिन्हा होरें गलाया जे प्रधानमंत्री नरेन्द्र मोदी हुंदी अगुआई च बिहार मुल्ख भरै च विकास-नमियें काङ्गें-शिक्षा-उद्योग ते समृद्ध सांस्कृतिक परम्पराएं च योगदान दिंदे होई अपना ऐतिहासिक कद परतियै हासल करा'रदा ऐ। उ'नें कलासंगीत ते साहित्य च बिहार दे योगदान दी सराहना कीती। इस मौके पर अगो बोलदे होई उपराज्यपाल होरें आखेआ.....(बाईट)



Pak Terror Index

वैश्विक आतंकवाद सूचकांक 2026 दे मताबक पाकिस्तान दुनिया दे मुल्खें च सब्भनें शा पैहले नम्बरै पर आई गेआ ऐ ते पिच्छले बरे उत्थे आतंकवादी घटनाएं च 4 प्रतिशत दा बाद्दा दर्ज कीता गेआ ऐ- जेहड़ा 2013 दे बाद सबनें शा मता प्रभावत बरा रेहा ऐ। 2013 च उत्थे आतंकवाद दियें घटनाएं च होई दियें मौतें दी गिनतरी इक ज्हार 45 ही- जेहड़ी 2015 च इक ज्हार 139 दर्ज कीती गेई ऐ। आतंकवाद प्रभावत 163

मुख्यं च पाकिस्तान नै पैहली थाहर हासल कीती। एह रिपोर्ट Vision of Humanity आसेया जारी कीती
गेई ऐ- जेहड़ा पाकिस्तान च सुरक्षा हालात दे उप्परोतली बिगड़दे जाने दी सारत दिंदा ऐ।

<><><><><><>

<><><><><><>

Prog. Announcement (Teaser)

भारतीय सुतंत्रता संग्राम दे महान ते युवा सेनानी शहीद भगत सिंह राजगुरु ते सुखदेव होरें गी उन्दे शहीदी
दिवस दे मौके पर शरदांजली दे रूपै च आकाशवाणी दा क्षेत्रीय समाचार एकांश जम्मू अज्ज दिने 12 बजे इक
विशेश चर्चा प्रसारत करने जा'रदा ऐ-जेहदे च स्हाड़े परौहने होगंन सैन्ट्रल युनिवर्सिटी जम्मू च एसिस्टेंट
प्रोफैसर डाक्टर रवेल परिहार। उन्दे कन्नै गल्लबात करगंन-स्हाड़े न्यूज एंकर विजय बजाज। चेता रखेयो अज्ज
दपैहरी 12 बजे स्हाड़े इस्सै चैनल मीडियम वेव 303 मीटर यानि 990 किलोमीहर्टस ते एफ.एम. 100
इशारिया 3 मेगाहर्टस पर।

<><><><><><>

ते हुंन बाकि दिएं खबरें कन्नै जगमोहन शर्मा:-

<><><><><><>

Sanasar Tulip Garden (Byte)

पिच्छले हफते श्रीनगर च एशिया दे सारें शा बड्डे ट्यूलिप गार्डन दे उदघाटन दे मगरा, रामबन जिले दी
सनासर घाटी च जम्मू दा पैहला ते सारें शा बड्डा ट्यूलिप गार्डन बी औने आहले दिनें च आम लोकें लेई खोलने
दी तयारी ऐ- जेहदे कन्नै इस खित्तें च सैलसफा गी बढ़ावा थहोग। फुल्लें दी काशत सरबंधी मैहकमे दे निदेशक

विवेक मोदी होरें आखेआ ऐ जे ट्यूलिप खरे फुल्ले देन ते इस बाग च बड़ा मता विकास होआ ऐ। उ'नें गलाया जे सैलानियें लेई ई-टिकटिंग दी बवस्था शुरु कीती जाग। अधिकारियें गी मेद ऐ जे इस मौसम च सैलानियें दी बड़ी मती गिनतरी च बाद्दा होग। बाग दी त्यारी बारे इक रिपोर्ट पेश कीती जा'रदी ऐ ते अखीरी त्यारियां इसलै जारी न। फुल्लें दी काशत सरबंधी मैहकमे दे निदेशक विवेक मोदी हुंदे थमां होर जानकारी

<><><><><><>

Regulation Resumed (Byte)

श्री माता वैष्णो देवी यात्रा लेई नां दर्ज कराने दी प्रक्रिया परतियै शुरु होई गई ऐ- जिसी कल बड़े मते रश दे चलदे आरजी तौरा पर रोकी दिता गेदा हा। नराते दे चलदे बड़ी बद्ध गिनतरी च श्रद्धालुएं दे औने करी पेदे रश पर काबू पाने ते यात्रा गी पूरी चाल्ली रमानदार ते बवस्थित करी रखने लेई रजिस्ट्रेशन बंद कीती गई ही। श्राईन बोर्ड ते प्रशासन नै यात्रा दी बवस्था बनाई रखने च सहयोग देने लेई शरदालुएं दा आभार प्रगट कीता ऐ। इक रिपोर्ट कन्नै स्हाड़े जिला संवाददाता

<><><><><><>

Kanyathon

बच्चियें दे सशक्तितरण गी बढावा देने ते नशाखोरी खलाफ जागरुकता पैदा करने दे मकसद कन्नै कल जम्मू युनिवर्सिटी च "कन्याथॉन" दे 15में संस्करण दा सरिस्ता कीता गया। इस द्रौड़ गी जम्मू- कठुआ- साम्बा रेंज दे DIG शिव कुमार शर्मा होरें झंडी दस्सियै रवाना कीता- जिनें महिला पुलस कर्मियें ते नौजवान बच्चियें दी इस द्रौड़ च हिस्सा लैने लेई उ'दी सराहना कीती। इस "कन्याथॉन" च कोई 1000 कुड़ियें हिस्सा लैता जिंदे च पुलस कर्मी- विद्यार्थी ते आम नागरिक बी शामिल हे।

इस द्रौड दा विषय-सार हा "जीवन गी हां ते नशाखोरी गी नां आक्खओ"। एहदा सरिरस्ता विकासशील शिक्षा केन्द्र CDE ते ललितादित्य खेड्डु शिक्षा ते सेहत संगठन आसेआ मिलियै कीता गेदा हा- जेहदा मकसद शिक्षा-सुरक्षा ते बालिका सशक्तिकरण गी बढ़ावा दिंदे होई नौजवानें गी नशाखोरी कोला दूर करना हा। इस मौके DIG शिव कुमार शर्मा होरें आखेआ

<><><><><><>